

69

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



玉海卷八十五

浚儀王應麟伯厚甫

哈佛大學漢和
圖書館珍藏印

器用

符節

顏師古曰符謂合符以爲契節以毛爲之上下相重取象竹節因以爲名將命者持之以爲信

黃帝合符金山

史記帝修德振兵未嘗寧居東至于海登凡山及岱宗西至于空桐登雞頭南至于江登熊湘北逐葷粥合符金山而邑于涿鹿之阿正義合符謂合諸侯符

瑞於釜山封禪也。猶禹會會稽，玉帛萬國，括地志。釜山在媯州懷戎縣北三里。上有舜廟。郭子橫洞冥記稱東方朔云：東海大明之墟有釜山，山出慶雲，應王者之符命。黃帝有黃雲之瑞，故合符應於釜山也。索隱合諸侯符契，圭瑞而朝之於釜山，猶禹會諸侯於塗山也。
 漢志：公玉帶曰：黃帝封東泰山，禪凡山，合符河圖。元女出兵符，與黃帝戰蚩尤。
 抱朴子：黃帝陟王屋而受丹經，到鼎湖而飛流珠，登崆峒而問廣成之具茨，而事大隗，適東岱而奉中黃，入金谷而諮子心，論導養而質元素，二女精推步則訪山稽力牧。

講占候則詢風后，著體診則受雷歧，審攻戰則納五音之策，窮神姦則記白澤之辭，相地理則書青鳥之說，救傷殘則綴金冶之術。

周六節 邦節 玉節 角節 金節

符節 璽節 旌節 路節 節傳

管節

禮地官 大司徒若國有故，令無節者不行於天下。注

節六節 見下文 掌節 上士二人，中士四人 掌守邦節而辨其用。

以輔王命 注：邦節者，珍圭、牙璋 守邦國用玉節，守都

鄙用角節 注：王節之制，如王為之，以命數為小大，角

萬曆丁亥年 用犀角其制未聞 鄭元曰：玉節有五，見

監生吳一寧刊分

下公羊傳云與凡邦國之使節山國用虎節土國

人節澤國龍節皆金也以英蕩輔之注今漢有銅虎符英蕩畫函

門關用符節注如今宮中諸官詔符貨賄用璽節注今之印章也司市凡

通貨賄以璽節出入之司關掌國貨之節注道路

用旌節注使者所擁節是也鄉大夫以旌節輔令

夫凡其使也必以旌節環人掌送逆賓客以路節

達諸四方注路節旌節也若無節則唯圜土內之

司救以節巡國中注旌節也若無節則唯圜土內之

使者符節乃行疏道路旌節也乃得行司險若有故

則塞阻路唯有節者達之國語周之秩官曰行理

以節皆有期以反節注凡節有法凡通達於天下者

必有節以傳輔之有司關凡所達貨賄者以節傳出之

易氏曰節所以輔王命傳所以輔邦節先王之時無

天下為公雖有節傳以示信而信行於節傳之外無

節者有幾則不達注園土秋官小行人達天下之

六節山國用虎節土國人節澤國龍節皆以金為之

道路旌節門關符節都鄙管節皆以竹為之注此邦

諸侯使臣行規聘以金節授之為行道之信管節如

今之竹使符凡節有天子法式存於國正義掌節所

云畿內也虎人龍二者諸侯使臣所執旌符管在國

所用璽門關用符畿外同用野廬氏掌達道路凡

有節者至則為之辟脩閭氏唯執節者不幾掌

交掌以節巡邦國康誥越小臣諸節注小臣諸有

符節之吏

葛曆卷末年甫刊 三每卷八二五 三 什立四百五十八

周瑞節

地官調人凡和難弗辟則與之瑞節而以執之注瑞節玉節之剡圭也和之而不肯辟者不從王命也王以剡圭使調人執之

春官典瑞注珍圭牙璋穀圭琬圭琰圭王使之瑞節鄭元曰玉節有五珍圭王使之瑞節

王使人召諸侯則授之執以往致王命如今使者持

節凡瑞節歸又執以反命正義人節虎節是諸侯使

人之瑞節此珍圭等是王使之瑞節也秋官大行

人王之所以撫邦國諸侯者十有一歲達瑞節同度

量冬官玉人注琬圭王使之瑞節也琰圭諸侯有

為不義使者征之執以為瑞節玉用玉節左傳文

十二年秦西乞術來聘曰不腆先君之敝器致諸執

事以為瑞節要結好命周語內史過曰為車服旗

章以旌之擘幣瑞節以鎮之班爵貴賤以列之令聞

嘉譽以聲之儀禮聘禮所以朝天子圭與纁皆九

寸刻上寸半厚半寸博三寸纁三采六等朱白注

所執以為瑞節也刻上象天圜地方也雜采曰纁以

韋衣木板飾以三色用就所以薦玉重謹也九寸上

公之也問諸侯朱綠纁八寸皆元纁繫長尺絢組繫王

圭也禮記王藻凡君召以三節疏節以

為飾用五采組上者以玉為之所以明信輔於君命者也

太公陰符 周書陰符

後漢方術傳鈴次之符注兵法有王鈴篇及元女六韜要訣曰太公對武王曰主將有陰符八等有大有大勝得敵之符長一尺破軍禽將之符長九寸降城得邑之符長八寸却敵執遠之符長七寸交兵一作警衆堅守之符長六寸請糧益兵之符長五寸敗軍亡將之符長四寸失利亡寸之符長三寸見六韜龍韜陰符篇

又有陰書

隋志兵書類太公陰符鈴錄一卷周書

陰符九卷唐志同

史記蘓秦讀周書陰符以出揣

摩 戰國策蘓秦得太公陰符之謀 鬼谷子陰符

七術注本太公兵法 通典周書陰符太公曰步車

騎三軍同名異用 張衡思元賦李善注引周書陰

符 後漢百官志注引太公陰符曰為君守成為吏

守職為民守事 文選注引太公陰符曰并我勇力

重堅壁壘周書陰符太公曰好用小善不得真賢

初學記引周書陰符治國有三常

魯龍輔

左傳昭二十九年公賜公衍羔裘使獻龍輔名於齊

侯齊侯喜與之陽穀名邑正義周禮澤國用龍節皆金

也以英蕩輔之杜子春云以函器盛此節謂鑄金為

龍以玉爲函輔盛龍節謂之龍輔此獻函不獻節故直云獻龍輔元卿云盛龍節之王函案說文龍禱旱王也爲龍文又玉人云上公用龍今輔與龍連文故云龍輔玉名

魏虎符 兵符

史記魏公子無忌傳安釐王二十年秦昭王破趙長平軍進兵圍邯鄲趙請救於魏王使將軍晉鄙將十萬衆救趙復使人止晉鄙留軍壁鄴名爲救趙實持兩端公子患之數請魏王畏秦終不聽公子因問侯生曰嬴聞晉鄙之兵符常在王卧内而如姬最幸出

入王卧内力能竊之公子請如姬必許諾則得虎符奪晉鄙軍北救趙而西却秦此五霸之伐也公子從其計請如姬果盜晉鄙兵符與公子

後漢書杜詩

漢功臣符 丹書鐵契

高紀六年十二月甲申始剖符封功臣曹參等爲通

侯師古曰剖破也又與功臣剖符作誓丹書鐵契金

匱石室藏之宗廟如淳曰金匱猶金滕也師古曰以金爲匱以石爲室重緘封之

南粵王傳漢十一年立尉佗爲南粵王與剖符通使

說文符漢制以竹長六寸分而相合

周禮司約

小約劑書於冊圖注今俗語有鐵券冊書舊典之遺言

漢節

紀高后八年八月襄平侯紀通尚符節令持節矯內勃壯軍朱虛侯章欲奪節謁者不肯文帝宋昌曰大尉以一節入壯軍一呼士皆袒左為劉氏武帝征和二年七月更節加黃旄昭帝始元元年閏月遣王平等五人持節行郡國宣帝本始元年正月遣使者持節詔郡國二千石謹牧養民而風德化列傳爰益解節旄懷之張騫持漢節不失自騫開

外國道以尊貴云云其吏卒亦輒復盛推外國所有

言大者予節言小者為副司馬相如建節往使

嚴助以節發兵會稽蘇武杖漢節旄盡落汲

黯以便宜持節發河內倉粟睦弘武帝時為符節

令淮南王安作漢使節法冠任安盧賀坐受偽

節誅江都王建偽作漢使節二十劉屈氂初漢

節純赤以太子持赤節故更為黃旄加上以相別

霍光與羣臣奏昌邑王變易節上黃旄以赤咸宣

自殺而杜周任用時盜賊滋起上使光祿大夫范昆

諸部都尉及故九卿張德等衣繡衣持節發兵以興

擊 諸葛豐司隸去節自豐始 谷吉上書建彊漢
 之節承明聖之詔 光武紀持節北度河注節所以
 為信也以竹為之柄長八尺以旄牛尾為其旣三重
 後傳馮衍與田邑書曰今以一節之任建三軍之
 威豈特寵其八尺之竹犛牛之尾哉 鄭眾永平八
 年顯宗遣眾持節使匈奴虜欲拜眾不為屈上疏曰
 臣誠不忍持大漢節對氍裘拜 孔融議秉髦節之
 使銜命直指 蔡衍拜符節令 續百官志符節令
 一人凡遣使掌授節王國大夫本皆持節後去節護
 羌校尉注應劭漢官曰擁節 魏氏春秋中平六年

符節

始復節上赤葆

周禮旌節注今使者所擁節是也

禮記玉藻凡君召以三節二節以走一節以趨注

今漢使擁節疏擁持也漢時使人召臣持節召之庾
 氏云君召臣急則以二節緩則以一節 釋名節毛

上下相重取象竹節

唐六典漢唯旌節餘皆號符

隋天文志畢南八星曰天節使臣所持也

天文

要集天節星主奉使小而明則使中正 周有掌節

之職漢有符節之令復漢符節令位次御史中丞別

為一臺令一人為臺率屬少府賁孟張敬蔡衍為

之

史記趙高燕行符璽令事 **晉志**秦符璽令漢因之

位次御史中丞 **趙堯傳**為符璽御史 **霍光傳**召

尚符璽郎 **典瑞注**若今尚符璽郎

漢銅虎符 竹使符

文紀二年九月初與郡守史記云初與郡國守相為銅虎符竹

使符注應劭曰銅虎符第一至第五國家當發兵遣

使者至郡合符符合乃聽受之竹使符皆以竹箭五

枚長五寸鑄刻篆書第一至第五張晏曰符以代古

之圭璋從簡易也師古曰與郡守為符者各分其半

右留京師左以與之文選注漢舊儀曰郡國銅虎符三竹使符五大事記漢制諸

侯不得自守兵魏勃曰非有漢虎符驗則文帝以前蓋有虎符矣此謂初作者豈非用銅於此始乎

齊哀王傳王欲發兵誅諸呂魏勃給相召平曰王欲

發兵非有漢虎符驗也而相君圍王固善 **嚴助傳**

建元三年東甌告急上曰吾新即位不欲出虎符發

兵郡國遣助以節發兵會稽守距法不為發 **吳王**

濞傳弓高侯顏當責膠西王卬曰未有詔虎符擅發

兵擊義國 **咸宣傳**武帝時盜起乃使光祿大夫范

昆故九卿張德等衣繡衣持節虎符發兵以興擊

嚴延年傳為河南守左馮翊缺上欲召延年符已發

為其名酷復止注應劭曰符竹使符也藏符節臺

欲有所拜召治書侍御史符節令發符下太尉也

賈捐之傳淮南王盜寫虎符陰聘名士馮野王傳

為琅邪太守御史中丞劾奏野王賜告養病而私自

便持虎符出界歸家奉詔不敬後志符節令一人

尚符璽郎四人本注曰舊二人在中主璽及虎符竹

符之半者杜詩傳建武八年初禁網尚簡但以璽

書發兵未有虎符之信上疏曰舊制發兵皆以虎符

其餘召調竹使而已符第合會取為大信所以明著

國命歛持威重也間者發兵但用璽書或以詔令可

立虎符以絕姦端從之注符信也漢世以竹長六寸

陳球傳太守分國虎符

竇固傳詔耿秉劉張皆

去符傳以屬固注專將兵者並有符傳擬合之取信

周禮掌節金節注鄭謂今漢有銅虎符

或曰周禮以英蕩輔

之英刺書也籥竹箭也刻書所使之事以助三節之信則漢之竹使符其遺制也

典瑞珍

圭牙璋注杜子春云珍圭若今時召郡守以竹使符

鄭司農云牙璋若今以銅虎符發兵小行人管節

注鄭謂若今竹使符文選冊魏公文金虎符第一

至第五竹使符第一至第十古今注金虎符銀錯

書之

高紀秦王子嬰封皇帝璽符節注師古曰符謂諸所

合符以為契者 韓信傳漢王馳入壁奪其印符 糜
召諸將易置之 文紀奉天子璽符再拜上

漢入關符 關傳

紀文帝十二年三月除關無用傳注張晏曰傳信也
若今過所也如淳曰兩行書繒帛分持其一出入關
合之乃得過謂之傳也李奇曰傳檠也師古曰張說
是也古者或用檠或用繒帛檠刻木為合符也 景
帝四年春復置諸關用傳出入 宣帝本始四年正
月詔載穀入關者得毋用傳 傳終軍詣博士步
入關關吏與軍繻曰為復傳還當以合符軍弃繻去注

符節

繻符也裂繻頭合以為符 審成詐刻傳出關歸家
注師古曰傳所以出關之符也 汲黯曰文吏繩以
為關出財物如邊關注巨瓚曰無符傳出入為關
後傳郭丹從使者買符入函谷關曰不乘使者車終
不復出關 周禮司關凡所達貨賄者則以節傳出
之注傳如今移過所文書

蕭何以信謹守管籥 趙主王臧欲除關

漢尺籍伍符 漢軍法

為唐傳對文帝曰夫士卒盡家人子起田中從軍安
知尺籍伍符注李奇曰尺籍所以書軍令伍符軍士

五五相保之符信也如淳曰漢軍法曰吏卒斬首
尺籍書下縣移郡令人故行不行奪勞二歲伍符亦
什伍之符要節度也史記注或曰以尺簡書故曰尺
籍索隱曰尺籍者書其斬首之功於一尺之板伍符
者命軍人伍伍相保不容姦詐史記循吏傳子產
為相五年士無尺籍正義一尺方板之籍書什伍相
保也晁錯傳古之制邊縣以備敵使五家為伍伍
有長韓延壽東郡都試騎士五騎為伍尹賞為長安
令與亭長里正父老伍人雜舉少年惡子周禮宰夫
注如今伍伯疏云漢時五人為伍伯長也是五人之

長此漢之伍法也

禮小宰聽政役以比居聽師田以簡稽注比居謂伍
籍簡稽士卒兵器簿書國語拱稽名籍也尉繚子

東伍令曰五人為伍共一符收於將吏之所李靖

問對太宗問伍法有數家孰為要靖曰左氏傳先偏

後伍司馬法五人為伍尉繚子有東伍今漢制有尺

籍伍符後世符籍以紙為之失其制矣懷苴謂五人

為伍十伍為隊此其要也管子善牧民者非以城

郭也輔之以什司之以伍史記秦獻公十年初為

戶籍相伍

漢鐵印文符

宮門符籍

蔡傳

通籍

續百官志凡居宮中者皆有口籍於門之所屬宮名

兩字為鐵印文符案省符乃內之注胡曠曰楷用若

外人以事當入本宮長吏為封蔡傳其有官位出入

令御者言其官古今注傳以木為之長五寸書符

信於上又以一板封之皆封以御史印章

元紀初元五年四月令從官給事官司馬中者得為

父母兄弟通籍注應劭曰籍者為尺二竹牒設其年

紀名字物色挂之宮中案省相應乃得入也梁王

傳梁之侍中郎謁者著引籍籍簿謂名出入天子殿門

與漢官官無異

寶鼎傳太后除與女門籍

京房傳

願得通籍殿中奏事

漢瑞節

周禮春官典瑞正義先鄭云牙璋若今時以銅虎符

發兵案文帝紀云云銅虎竹使符漢時皇帝使者之

瑞節則司農之意鎮圭牙璋之等亦王使之瑞節也

漢節鉞

晉禮志漢魏故事遣將出征符節郎授節鉞於朝堂

其後荀顛等所定新禮遣將御臨軒尚書授節鉞依

古兵書跪而推轂之義也

晉虎符

魏志注世語曰晉武帝世張敷為廣漢太守王濬在益州受中制募兵討吳無虎符敷收濬從事列上

宋銀字棨

志皇太子夜開諸門墨令銀字棨傳令信

傳開門須白虎幡銀字棨

隋玉麟符 木魚符

樊子蓋傳為河南內史文帝命留守東都曰社稷大事終以委公凡可施行不勞形迹今為公別造玉麟符以代銅獸比之蕭何冠帽云又文帝與漢王諒約

北石重書召與王麟符合則就道

文帝紀開皇九年

閏月丁丑頒木魚符於摠管刺史雌一雄一十年十月甲子頒木魚符於京官五品已上

隋青龍符 銅魚符

紀開皇七年四月癸亥頒青龍符於東方摠管刺史西方以騶虞南方以朱雀北方以元武十五年五月丁亥制京官五品已上佩銅魚符

唐銀菟符 銅魚符 交魚符 巡魚符

開門符 閉門符 月魚 傳信符

雙龍符 麟符 青龍符 朱爵符

駟虞符 元武符 隨身魚符 玉契

木契又見 魚符又見

高祖紀義寧二年四月辛巳舊紀辛卯 祖未受隋禪 高 停竹使

符班銀菟符武德元年五月甲子 受禪改元 九月癸丑改為銅

魚符 **車服志** 初高祖入長安罷隋竹使符班銀菟

符其後改為銅魚符以起軍旅易守長京都留守折

衝府捉兵鎮守之所及左右金吾宮苑摠監牧監皆

給之畿內則左三右一畿外則左五右一左者進內

右者在外用始第一周而復始宮殿門城門給交魚

符巡魚符左右廂給開門符閉門符亦左符進內右

符節

符監門掌之又見門類 蕃國亦給之雌雄各十二銘以國

名雄者進內雌者付其國朝貢使各齎其月魚而至

不合者劾奏傳信符者以給郵驛通制命皇太子監

國給雙龍符左右皆十兩京北都留守給麟符左二

十右十九東方諸州給青龍符南方諸州朱雀符西

方諸州駟虞符北方諸州元武符皆左四右三左者

進內右者付外行軍所亦給之隨身魚符者以明貴

賤應召命左二右一左者進內右者隨身皇太子以

玉契召勘合乃赴崔神慶傳長安三年為禮部侍郎

入見皇太子應期有司移文東宮召皇太子神慶諫

曰五品以上佩龜蓋防徵召之詐內出魚以合之况

萬曆癸未年補刊 二五 易受 四百七十五

太子乎古者召太子用玉契今太子與陛下異宮非朝朔望而與者請降墨敕王契詔可秦刻玉符約以子楚嗣親王以金庶官以銅皆題某位姓名官有貳為適嗣親王以金庶官以銅皆題某位姓名官有貳者加左右皆盛以魚袋三品以上飾以金五品以上飾以銀有傳符銅魚符者給封符印發驛封符及封魚函用之有銅魚而無傳符者給封函還符封函用之木契符者以重鎮守謹出納畿內左右皆三畿外左右皆五皇帝巡幸太子監國有軍旅之事則用之王公征討皆給焉左右皆十九太極殿前刻漏所亦以左契給之右以授承天門監門晝夜勘合然後鳴鼓

百官志 司門郎中凡有召者降墨敕勘銅魚木

契然後入禮部郎掌符印門下省侍中二人發驛遣使則給魚符符寶郎掌符節內官司寶掌符契

六 典符寶郎主符三十人志四 主節十八人 一曰銅魚符二曰傳符三曰隨身魚符四曰木契五曰旌節禮部凡內外百官有魚符之制並出於門下省

會要 西蕃諸國通唐使處悉置銅魚各十二皆銘其國名如貢使正月來賫第一魚餘月准此閏月則賫本月校其雌雄合乃依常禮待之差即推案回紇傳奪含光門魚契走

城開元十六年十一月五日鴻臚卿奏蕃國銅魚多有散失望令所司改鑄制可景龍三年十月勅宮殿

皇城京城禁苑門左右內外各給交魚符一合。巡魚符一合。左廂給開門魚一合。右廂給開門魚一合。皆右符付監門。非時啓閉用之。咸亨五年九月。勅諸州都督刺史及上佐見執魚契者。中間遷改須有分付。其有遷改無三官者。留待攝官。永泰二年九月二十三日。刺史都護長史有犯者。降魚書停務。大曆十二年五月十日。敕刺史替及別追降魚書。然後離任。自廣德後不行此制。正元三年十月。有司請舉舊制。大和五年四月。鑄銅魚賜麟州。楊綰言舊制刺史被代。若別追皆降魚書。乃得去。開元時置采訪使。得專

符節

停刺史威柄外移

唐金魚符 金契

見賜蠻夷物門

唐旌節 節樓

車服志。大將出賜旌以纁。賞節以纁。殺旌以絳。帛五丈。粉畫虎。有銅龍一首。纏緋幡。紫縑爲袋。油囊爲表。節垂畫木盤。三相去數寸。隅垂赤麻。餘與旌同。

官志。符寶郎凡命將遣使。皆請旌節。

有主節四人

節度使

辭日。賜雙旌雙節。行則建節植六纛。入境州縣築節樓。迎以鼓角。衙仗居前。旌幢居中。大將鳴珂。金鉦鼓

角居後州縣齋印迎于道左視事之日設禮案高尺有
 二寸方八尺判三案罷秩則以節度使印自隨留
 觀察使營田等印鑲節樓節堂以節院使主之祭奠
 以時 **國朝三朝志** 旌節唐天寶中置凡命節度使
 有司給門旗二旌一節一麾槍二豹尾二金節隋制
 也黑漆竿上施圓盤周綴紅綜拂八層黃繡龍袋籠
 之王公以下皆有節制同金節韜以碧油 **韓文旌**
 節有韜豹尾神旗橐兜戟纛 令狐楚云旌惟進善
 節以詰姦 柳宗元平淮夷雅金節煌煌賜盾雕戈
 犀甲熊旂威命是荷 劉三復滑州節堂記受服之

日掌節者以王命傳信俾先啓行至則考善地庇豐
 屋麾旆以翼之歌鍾以樂之非征伐宴犒申威行令
 未嘗出

唐木契 又見上

六典太府寺凡木契九十五隻二十五隻與少府將
 作苑總監七十隻與庫官合注太府寺管木契七十
 隻十隻與左藏東庫合十隻西庫十隻右藏內庫十
 隻外庫十隻東都左藏庫十隻右藏庫九雌一雌九
 雄主簿掌一雌庫官掌又五隻與右藏朝堂庫合五
 隻與東都左藏朝堂庫合金部置木契與應出物之

司相合以明出納之吝注一百一十隻二十隻與太
府寺合云云倉部木契一百枚百官志倉部以木
契百合諸司出納之數會要開元十三年三月二
十日勅平盧幽州太原朔方河西隴右劔南等七道
節度使各置木契

周天官大府秦漢以下不置并於司農少府梁天監
七年始置大府後魏大和改少府為大府

唐功臣鐵券 銘

代宗紀廣德元年七月壬子給功臣鐵券藏名于太
廟圖形凌煙閣劉幽求傳景雲二年詔賜實封銘

諸鐵券以傳其功

陸贄集有賜李納王武俊安西

管內黃姓鐵券文

鐵券始於漢冊書鐵契

唐禁衛門籍

百官志左右監門衛掌諸門禁衛及門籍文武官九

品以上每月送籍於引駕仗及監門衛衛以帳報內

門凡朝參奏事待詔官及織扇儀仗出入者閱其數

監察御史正門無籍天授中詔側門置籍得至殿庭

司門郎中掌門關出入之籍凡著籍月一易之儀

衛志平明傳點畢內門開監察御史領百官入夾階

監門校尉二人執門籍白唱籍既視籍序班于通乾
觀象門南武居文之次入宣政門至閣門亦如之夾
階校尉十人同唱 **會要**正元八年十月 舊紀復命
金吾置門籍

唐府兵符契

見兵制

唐魚書 詳見上

百官志大理司直評事掌出使推按凡承制推訊請
魚書以往 又見九卿類

太平興國樞密院銀牌

三朝志唐制差發驛遣使則門下省給傳符以通天
下之信皇朝符券皆樞密主之舊有銀牌給乘驛者
闊一寸半長五寸刻隸字曰勅走馬銀牌貫以韋帶
後罷之給券謂之頭子興國三年有詐乘驛者遂罷
樞密院券別制新牌闊二寸半長六寸易以八分書
上釵二飛鳳下釵二麒麟貫紅絲條 六月戊午詔乘驛者皆給銀牌
復舊制也端拱中多遺失之者二年二月戊午又罷篆書
銀牌復給樞密院牒 乾道八年樞密院置雌黃青
字牌紹熙四年改黑漆紅字 淳熙三年尚書省置
雌黃青字牌紹熙五年改黑漆黃字

周顯德六年三月癸酉罷銅魚

牧守並特降制書

祥符木契

祥符元年六月辛丑命皇城司製安遠門木契以車駕詣苑中由之也熙寧六年八月詔畿縣都保置木契左留司農寺右付其縣凡追閱試則出契

康定銅魚符 咸平傳信牌

康定元年五月八日翰林承旨丁度等言准送下翰

林學士王堯臣知制誥葉清臣啓請制軍中傳信牌

此牌木咸平六年十月戊寅給軍中因莫州都總管石普之請欲令將帥持破錢遇傳令則合而爲信真宗謂古兵符既廢因命爲此及符事并端明殿學士李淑應詔檢

閱故事令兩制與端明殿學士詳定聞奏看詳所奏軍中符信切要杜絕姦詐合機宜今請下有司造銅兵符給諸路總管上將每發兵士三百人或全指揮以上即用又別用傳信朱漆木牌應係給軍中往來之處每傳達號令閱報會合事宜及發起軍士三百人以下即用又檢到符彥卿軍律有字驗亦乞於移牒傳信牌上兩處參驗使用一銅兵符漢制銅鑄刻虎形今聞皇城司見有木魚契文德殿門出入勦契太廟門入勦箭出則否欲乞令有司只約用木契形狀精巧鑄造陝西五路每路依漢制各給一至二十計二十四面更換給

用仍示公牒為照驗一傳信木牌先朝舊制合用堅木朱漆為之長六寸闊三寸腹背刻字而中分之字云某路傳信牌却置池槽牙縫相合又鑿二竅置筆墨上帖紙書所傳達事用印印號上以皮繫軍吏往來之頂臨陣傳言應有取索並以牌為信寫其上如已曉會施行訖復書牌上遣回今遣有司造牌每路各合一面為樣令本司依此製造分給諸處更換使用城寨分屯軍馬事往來關會之處亦如數給與之詔從之王堯臣起請李淑檢會丁度奉行八月二十四日端明殿學士李淑等言參酌古制定銅符木契傳信牌形制及施

用條件銅符之制上刻篆字曰某處發兵符下鑄虎豹為飾而中分之右符五左旁作虎豹頭四左符一右旁為四竅令可契合又以篆文相向側刻十干字為號右五符留京師左符降付諸處總管鈐轄知州軍事官高者掌之凡樞密院下符發兵第一至第五周而復始指揮三百人至五千人用一虎一豹五千人以上用雙虎雙豹宣云下第一符發兵若干所在取左符勘訖即發兵與使者復緘右符以還木契上下題某處契中剖之上三段中為魚形題一二三次第下一段刻空魚令可契合左旁題云左魚合上三右旁題云右魚合上三

段留總管鈐轄司下一段付諸州軍城寨主掌之每
發兵所在驗下契與上契合即發兵傳信牌中為池
槽藏筆墨紙令主將掌之每臨陣傳命書紙內牌中
持報兵官復書事宜內牌中而還仍臨事密以字號
為驗詔有司製造仍令淑領其事兵志元年慶曆元年
十月十九日端明殿學士李淑等言准勅鑄造符契
傳信牌下諸路今已了畢取右符送樞密院其左符
契牌勅等欲自當所候差到使臣封印發送諸路依
奏實錄康定元年十月乙未下有司製銅符木契
傳信牌慶曆元年十月己亥罷銅符木契

符節

咸平傳信牌以漆木為之長六寸闊三寸復背刻字
而中分之置鑿柄令可合又穿二竅容筆墨上施紀
札每臨陣則分而持之或傳令則書其言而係軍束
之頸至彼合契乃書而復命焉實錄咸平中石普
建言軍中號令遣人馳告之慮為奸詐請持破錢合
而為信帝因製傳令碑

皇祐文德殿魚契

皇祐二年九月十四日庚子皇城司上新作文德殿
香檀魚契契有左右左留中右付本司各長尺有一
寸博二寸八分厚六分刻魚形鑿柄相合縷金為文

車駕至門，勘契官皇城司主之執右契，奏閤門使降左契。

勘契官跪奏，勘畢奏云：外契合辛亥享明堂勘契。

之式不見於開元開寶禮，咸平初載於儀法。凡勘

箭，左右金吾仗司主之。箭筒長二尺二寸，闊二寸。一為雄鷲箭，留

中一為辟仗箭，藏本司。凡宣德門出，左仗主之；景靈

宮入，右仗主之；太廟入，左仗主之；南薰門入，則勘出

則否。熙寧四年，王珪議罷勘箭。元豐元年，陳襄請

罷勘契。

熙寧銅魚符

熙寧五年六月十八日丙寅，令西作坊鑄造銅符三

符節

十四副，給左契付諸門，右契什大內鑰庫。志云：今所

付諸門，右契付內鑰匙庫。從樞密副使蔡挺之言也。上以京城門禁不嚴，素無

符契，命樞密院約舊制，更造銅契，中刻魚形，以門名

識之。分左右給納，以戒不虞而啓閉之法，密矣。七年

九月，蔡挺又請置三十七將，將有正副，以畿縣及諸道

兵分隸，皆給虎符。癸丑從之。神宗史志：皇城司掌

宮城出入之禁令，凡門給銅符二，鐵牌一，左符留門，

右符請鑰。鐵牌則請鑰者自隨，以時參驗而啓閉之。

建炎虎符

建炎三年五月二十六日癸卯，改鑄虎符。見行虎符

紹興銅虎符

紹興五年四月乙卯改鑄東南十將京畿第二將紹興銅虎符

紹興藩邸旌節

紹興三十二年八月一日孝宗詔藩邸旌節迎詣天章閣安奉從禮部太常之請也淳熙十六年光宗踐阼紹熙五年寧宗踐阼亦如之用朱漆青地金字牌

其上如元豐延安故事

紹興三年正月辛未賜劉光世兩鎮節度使印及別

賜寧國軍旌節自是為例

周牙璋起旅漢羽林召兵古有兵符無忌竊晉鄙之類高帝奪韓信印符麾召諸將

玉海卷第八十五

玉海卷第八十六

浚儀王應麟伯厚甫

器用

佩帶笏

釋名佩倍也言其非一物有倍貳也有珠有玉有容刀有帨巾有觴之屬也帶帶也著於衣如物之繫帶也笏忽也君有教命及所啓白則書其上備忽忘也

舜白環

佩

佩環

後漢馬融傳廣成頌納雉僥之珍羽受王母之白環

注帝工紀曰舜時焦僂氏來貢其沒羽西王母慕舜
之德來獻白環 文選景福殿賦納虞氏之白環注
世本曰舜時西王母獻白環及佩 瑞應
圖黃帝時西王母使乘白鹿獻白環之休符舜時復
來獻 宋志西王母舜時來獻白環白瑄 子華子
舜出則有鸞和動則有珮環步趨中庭 節
拾遺錄額帝時勒題國獻黑玉之環

周武王笏 玉笏 象笏

淮南子齊俗訓武王勝殷摺笏杖受以臨朝 周書
武王不閉外門以示無懼去劍摺笏以示無懼 樂

記武王郊射禋冕摺笏 左傳威二年臧哀伯曰

冕黻 璫帶裳幅 躬衡純紘 紕絜昭其度也 注璫上笏也

若今吏之持簿疏管子云天子執玉笏以朝 或曰

笏可以簿疏物也徐廣車服儀制曰古者貢 執

笏即今手板也然則笏與簿手板之異名耳蜀志稱

秦宓見太守以簿擊頰則漢魏以來皆執手板故云

若今吏之持簿璫一名大圭典瑞云王晉大圭以朝

日是也考工記大圭長三尺天子服之是天子之璫

長三尺玉藻云笏度二尺有六寸短於天子 玉藻

天子摺璫方正於天下也 諸侯茶前誦後直 於天

子也。大夫前詘後詘，無所不遜也。將適，公所史進象笏。書思對命。笏，天子以球玉，諸侯以象，大夫以魚須文竹，士竹，本象可也。魚須，飾之。士俱用象，大夫以魚須，士以竹。不敢純用君物也。見天子與射，無說笏。有指畫於君前，用笏受命於君前，則書於笏。疏：凡臣以見君，皆執笏。隋志：五經要義曰：笏所以記事，防忽忘禮。圖云：度二尺有六寸，中博二寸，其殺六分去一。晉宋以來，謂之手板。洞冥記：周公以玉笏與孟岐。穆天子傳：天子大服冕，禕長帶，搢笏夾佩。荀子：天子御珽，諸侯御荼。六夫服笏禮也。周遷車服雜事：應仲遠云：秦侍官

執刀劔。漢高祖偃武脩文，始制以手板代焉。仲長子曰：笏以書君教令，記善刺過。今之手板以象焉。胡氏曰：古者君臣所執，五玉三帛，二生一死，皆以為贄而已。笏則搢之用，以記事，不執之以為儀也。宇文周乃不脩贄而執笏，於是攝齊鞠躬之禮廢。周禮疏：漢有搢紳之士，謂搢笏於紳，在君前以笏記事。後代用簿簿，今手板。

周佩玉 服玉

周禮玉府上士二人，中士四人共王之服玉。佩玉珠玉，合諸侯共。珠槃王齊，則共食玉。注：佩玉，王所帶者。玉藻曰：天

子佩白玉而元組綬詩傳曰佩玉上有葱衡下有雙
璜衝牙蠙珠以納其間鄭司農云服玉冠飾十二玉
三禮圖佩上有雙衡長五寸博一寸衝牙長三寸繫盛軟血珠玉以
為飾珠繫以盛牛耳血尸盟者執之

緼韍幽衡再命赤韍幽衡三命赤韍葱衡注衡佩古
之君子必佩玉左徵角右宮羽五聲所趨以采齋音

行以肆夏周還中規折還中矩進則揖之退則揚之
然後玉鏘鳴也故君子在車則聞鸞和之聲行則鳴

佩玉是以非碎之心無自入也君在不佩玉左結佩
右設佩按注云謂世子也出所處而君在焉則去德

於事有未能也結者結其綬不使鳴正義云左佩亦
玉佩結其綬不使鳴非謂全去故取賀氏之說愚謂
鄭義為是若果如孔說左佩玉而結之必不垂不佩
玉之訓也鄭謂去德佩者釋不佩玉也謂設事佩者
左佩亦在其中故曰結居則設佩謂所處朝則結佩
其左者若於事有未能居則設佩君不在朝則結佩
亦結左齊則請結佩而爵韞凡帶必有佩玉唯喪否
佩玉有衝牙居中央以前後觸也君子無故玉不去身君子於
玉比德焉天子佩白玉而元組綬公侯佩山元玉玉
似山而朱組綬大夫佩水蒼玉似水而純組綬世子
佩瑜玉王之而綦組綬士佩璫玫石次而緼組綬通
云周制注綬所以貫佩玉相承受者正義尊者玉
色純公侯以下玉色漸雜而世子及士唯論玉質則
玉色不定也月令春服倉玉注凡所服王謂冠飾夏服
定也

赤玉中央服黃玉秋服白玉冬服元玉

解第六十五序曰王者德以飾躬用所為佩作玉佩

周書又曰武王俘商得佩王億有八萬詩鄭風女曰雞鳴知

子之來之雜佩以贈之知子之順之雜佩以問之知

子之好之雜佩以報之注雜佩者珩璜有女同車

將翽將翔佩玉瓊琚秦風渭陽何以贈之瓊瑰玉

佩小雅采芑有瑒葱珩注葱蒼也大東翰翰佩

璲箋以瑞玉為佩漢杜欽傳佩玉晏鳴關雎歎之注李奇

曰后天人雞鳴佩玉去君所周康王后不然故詩人

歎而傷之臣瓚曰此魯詩也穆天子傳七萃之士

天子嘉之賜以左佩華注玉華之佩左傳衣身之章也佩衷之旗也

周玉瑱

周禮弁師掌王之五冕皆元冕朱衷延紐五采繅十

有二就皆五采玉十有二玉笄朱紘諸侯侯當之繅

笄注玉瑱詩君子偕老篇玉之瑱也箋充耳所以

垂瑱者或名為統織之人君五色臣則三色其奧

篇充耳琇瑩注充耳謂之瑱琇瑩美石也天子玉瑱

諸侯以石左傳疏周禮追師掌王后之首服追為

周禮

箕鄭司農云衡維持冠者鄭元云祭服有衡垂于副
之兩旁當耳其下以紘垂瑱男子首服亦然追者治
玉之名王后之衡以玉為之弁師弁及冕皆用玉筭
則天子之衡亦用玉紘者垂瑱之繩垂於冠之兩旁
魯語三后親織元紘公侯夫人織紘紘冕弁皆有筭
故用紘縹布冠無筭故用纓論語疏案今禮圖衮
冕以下皆有充耳天子以黻纁諸侯以青纁隋志
天子玉筭導亦如之禮志皇帝加元服殿中監
陳衮服縹纁玉簪及櫛三物同箱
博古圖衮辟父敦銘曰錫汝華朱芾元衣束帶於篋

禮記

錫式瑀戟彤戾矢用養乃祖考毛父敦銘曰錫赤
芾

周朱芾 赤芾

詩斯下朱芾斯皇箋天子純朱諸侯黃朱疏乾鑿度
以為天子之朝朱芾諸侯之朝赤芾白虎通芾者蔽

子朱芾諸侯赤芾以韋為采芑朱芾斯皇注黃朱

芾也候人三百赤芾注芾韞也一命緼芾黜玼舟

命赤芾黜玼三命赤芾葱珩見玉大夫以上赤芾乘

軒疏芾是配冕之服祭服謂之芾他服謂之韞采

葱赤芾在股邪幅在下箋芾太古蔽膝之象也冕服

禮記卷之六 卷之六 卷之六

謂之帶其他服謂之鞞古者衣皮此存其象五其制上廣一尺下廣二尺長三尺其頸五寸肩黃帶博二寸邪幅如今行滕車攻赤帶金馬王氏曰在君道也故方叔服其命服則朱帶會同有鞞則赤帶易困九二朱紱方來利用享祀注朱深云赤

周大帶 鞞鑑

左傳威二年鞞厲游纓昭其數也注鞞紳帶也一名大帶厲大帶之垂者注二十一年夏鄭伯享惠王王以后之鞞鑑與之注鞞帶而以鑑為飾今西方羌胡為然古之遺服襄二十九年吳季札聘鄭見二

庄與之縞帶注大帶也 定六年衛公叔文子曰定

之鞞鑑 易或錫之鞞帶 詩都人士垂帶而厲疏

禮大帶垂三尺 荈蘭容兮遂兮垂帶悸兮 鳴鳩

淑人君子其帶伊絲箋大帶用素絲有雜色飾焉

禮記男鞞革女鞞絲婦事舅姑施鞞系袞 周禮云云

疏凡帶有二大帶大夫已上用素士用練即紳也今

插笏者於結之外帶之內又有革帶所以佩玉者帶

劍在紳帶之間同處也 武王有帶銘 魯語鄉之

內子為大帶注縹帶也 揚子 今之學縹其鞞鞞

周亦焉

見服類

楚白珩

楚語王孫圉聘於晉定公饗之趙簡子執鳴玉以相
 問於王孫圉曰楚之白珩猶在乎注珩佩玉對曰然
 曰其為寶也幾何矣曰未嘗為寶楚之所寶者曰觀
 射父能作訓辭又有左史倚相能道訓典言以賢為寶不以實為寶又有藪曰雲連徒洲云云此楚國之寶也若夫白
 珩先王之玩也何寶焉國聞國之寶六而已聖能制
 議百物以輔相國家則寶之玉足以庇廕嘉穀使無
 水旱之災則寶之龜足以憲臧不則寶之珠足以禦

人災金足以御不兵亂山林藪澤足以備財用則寶之
 若夫譁置之美楚雖蠻夷不能寶也 **禮象白珩蓋**

天子之玉葱珩蓋卿大夫之玉

左傳蔡昭侯為兩佩獻一佩於楚昭王 **楚辭說明**

月珮寶璐 **孟子**諸侯之寶三土地人民政事

孔子象環

禮記玉藻孔子佩象環五寸而綦組綬注謙不比德

亦不事也象有文理者也環可以循無窮正義失會

司寇故謙不復佩德佩事佩示已無德事也象環者

象已有文章文教循環無窮五寸法五行言文教成

人如五行成物。錢起有象環賦。白虎通。修道無窮。即珮環。鹽鐵論。子思子之。銀珮美於虞公之垂棘。

漢金飭具帶。金犀毗。

匈奴傳。孝文前六年。遺匈奴服。繡袷綺衣。長襦錦袍。

各一比。踈一黃金飭具帶。一黃金犀毗。一注孟康曰。

要中大帶。張晏曰。鮮卑郭洛帶。瑞獸名。師古曰。胡帶。

之鉤。亦曰鮮卑。亦謂師比。孝惠時侍中具帶。

穆天子傳。天子征至赤烏之人。亦烏氏先出自宗周。

乃賜貝帶五十具。

漢革舄。賜尚書履。赤舄。見冕服類

東方朔傳。朔對曰。孝文皇帝足履革舄。注。師古曰。革。

生皮也。不用柔韋。言儉率也。楊雄傳。賦曰。革鞜不。

穿。王符傳。潜夫論。孝文躬衣弋綈。革舄韋帶。貢。

禹傳。孝文衣綈履。革器亡。琨文。金銀之飾。鄭崇傳。

哀帝每見曳革履。笑曰。我識尚書履聲。隋志案。圖云。履下曰鳥單。

下曰。王喬傳。顯宗世。為葉令。每詣臺。有雙鳥。從東。

南飛來。舉羅張之。但得一雙鳥。詔尚方診視。則四年。

中所賜尚書官屬履也。輿服志。注。漢舊儀曰。乘輿。

帶七尺。斬蛇劍履。虎絢履。永平赤舄絢履。見上

班婕妤賦思君兮履綦 李尤有文履銘周武王於履為銘

曹植七啓金華之鳥動趾遺光 本朝重和元年

以鞞胡服改用履隆興二年改服鞞參用履之制飾

以絢纒純綦

漢大佩衝牙 玉佩 金錯鉤佩 佩刀

佩劍

續志古者君臣佩玉尊卑有度上有鞞貴賤有殊佩所以彰德服之衷也鞞所以執事禮之共也威儀之制三代同之五伯迭興戰兵不息佩非戰器鞞非兵旗於是解去鞞佩留其係璲以為章表故詩曰鞞鞞

佩璲秦乃以采組連結於璲徐廣曰今名璲為纒光明章表轉

相結受故謂之綬漢承秦制用而弗改加以雙印佩

刀之飾至孝明皇帝乃為大佩衝牙雙瑠璜初學記引董巴

渠云皆以白玉乘輿絡以白珠公卿諸侯之采絲其

視冕旒為祭服云注月令章句曰佩上有雙衡下有雙璜瑠璜以雜之衝牙瑠璜珠以納

其間 紀永平二年春正月辛未宗祀明堂玉佩絢履

以行事徐廣曰明帝復制鞞天子赤皮蔽膝魏晉用絳紗 楊賜傳光和四

年拜太常賜玉壺革帶金錯鉤佩 後五行志注陳

宣諫曰車則和鸞步則佩玉動靜應天 雋不疑佩

環玦 左雄言九卿大臣行有佩玉之節 玉藻正

義凡佩玉必上繫於衡下垂三道穿以纒珠下端前
後以垂於璜中央下端垂於衝牙動則衝牙前後觸
璜而為聲所觸之玉其形似牙故曰衝牙唐人有衝

牙賦

晉志三夫人金章紫綬佩于寘玉九嬪銀印

青綬佩采瓊玉 潘岳西征賦飛翠綬拖鳴玉

漢革帶 晉紫囊

楊賜傳光和四年賜玉壺革帶金錯鈎佩 晉志革

帶古之鞶帶也謂之鞶革其有囊綬則綴于革帶其
戎服則以皮絡帶代之八坐尚書荷紫以生紫為裕
囊綴之服外加於左肩昔周公負成王制此服至今

以為朝服一曰漢世用盛奏事負之以行 隋志東

觀書詔賜鄧遵獸頭鞶囊一枚班固與弟書遺仲升

獸頭旁囊金錯鈎獸一作虎禮圖曰璫綴於革帶阮謹以

為有印章則佩之

漢簪筆 魏白筆 晉白筆

漢書張安世持橐簪筆事武帝數十年注張晏曰橐

契囊也近臣負囊簪筆從備顧問或有所紀也師古

曰橐所以盛書無底曰橐簪筆者挿筆於首 魏志

明帝見殿中侍御史簪白筆側階而立問曰此何官

也卒毗曰御史簪筆 晉志古者貴賤皆執笏

笏者有事則書之故常簪筆今之白筆是其遺象三
臺五省二品文官簪之王公侯伯子男卿尹及武官
不簪加內侍者乃簪之尚書令僕手板頭復有白筆
以紫皮裹之 **宋志**紳垂三尺笏者有事則書之云
云同晉志 朝服肩上有紫生袷囊綴之朝服外俗呼
曰紫荷或云漢代以盛奏事負荷以行未詳也

魏玉佩

王粲傳注摯虞決疑要注曰漢末喪亂絕無玉佩魏
侍中王粲識舊佩始復作之今之玉佩受法於粲
隋志按禮天子佩白玉今參用杜夔之法天子白玉

太子瑜玉士山元玉自公以下皆水蒼玉 **魏太子**
聞鍾繇有玉玦欲得之繇即送之 **晉**賜王祥山元
玉珮衛氏玉玦綬笥 **采賁**蓬以響聞繩戶 **褚淵**謝
賜珮

隋九環金帶

李德林傳開皇元年敕令德林與于翼高頴等同修
律令事訖奏聞別賜九環金帶一腰駿馬一匹
後周武帝賜熊安生九環金帶

隋萬釘寶帶

楊素傳開皇十八年突厥達可汗犯塞以素為靈

州行軍總管出塞討之賜物二千段黃金百斤素奮
擊大破之達頭被重創而走殺傷不可勝計優詔褒
揚賜縑三萬匹及萬釘寶蓋唐志隋文帝云云唯

天子之帶有十三環李穆上隋文帝十三環金帶蓋天子服

元魏帝解所服金鏤玉梁帶賜侯莫陳順

唐萬釘寶鈿金帶紫袍龜帶見賜時服

夷狄傳西突厥獻萬釘寶鈿金帶房元齡傳太宗

貢寶帶 環王正觀時獻五色帶

賜元齡黃銀帶李光顏傳元和十三年春御麟德

殿召對賜金帶錦綵

齊田單黃金橫帶 吳陸遜破曹休脫御金帶以賜

唐佩鞞鞞 佩魚詳見章服類 玉梁寶

鈿帶

車服志初職事官三品以上賜金裝刀礪石一品以

下有手巾筭袋佩刀礪石會要上元元年八月睿宗

時景雲二年四月罷佩刀礪石而五品以上佩鞞鞞

七事佩刀刀子礪石契苾真職厥針銅火石是也帶

之制三品以上玉梁寶鈿五品以上金梁寶鈿六品

以下金飾隱起而已腰帶一品二品鈿以金六品元

和十二年太子少師鄭餘慶言百官服朝服者多誤

自今唯職事官五品兼六品已上散官者則有佩劔
綬其餘皆省文宗詔勳官諸司佩刀礪紛帨

志中尚令製魚袋給百官

會要永徽二年四月二

十九日開府儀同三司及京官文武職事四品五品

並給隨身魚袋舊志五月新志三品四品有飾金與銀之別且出內必合以防召命之

詐五年八月十四日已未勅帶魚之法用為褒飾咸

亨三年五月三日始令京官四品職事五品佩銀魚

是日內出魚袋徧賜之三品已上賜金裝刀子礪石武后垂拱二

年正月二十日都督刺史準京官帶魚天授元年九

月二十六日改內外官佩魚為龜至神龍元年二月

四日復佩魚朝野僉載唐上元中令九品已上佩刀礪箕袋紛帨為魚形結帛作之取魚之

衆鯉疆之兆也程大昌演繁露武后以元武為龜故改龜佩義視元年十月十

三日龜袋三品用金飾四品銀五品銅神龍元年九

月十七日嗣王郡王階卑者許佩金魚至開元元年

八月二十日親王長子帶郡王者聽佩魚神龍二年

八月京文官五品已上依舊式佩銀魚三年八月令

特進佩魚散職佩魚自茲始蘇氏記曰自永徽已來

正負官始佩魚至開元八年九月十四日中書令張

嘉正奏致仕及內外官五品已上檢校試判及內供

奉官準正負例佩魚自後恩制賞緋紫例兼魚袋謂

之章服景雲二年四月二十四日魚袋著紫者金裝

緋者銀裝金銀銅之飾雖肇於久視而用以飾魚開

元二年閏二月月一云三勅靈武等軍賜金魚袋一二

十銀魚袋五十枚臨時行賞白居易集賜金紫詩

魚佩葺鱗光照地鵲銜瑞帶勢冲天緋魚詩魚綴白

金隨步躍鵲銜紅綬逸身飛炙轂子魚袋古之筭

袋取合魚符之義宋朝雍熙元年十一月丁卯郊

祀畢內出魚袋賜近臣由是文武官皆佩魚紫以金

緋以銀伎術官不佩元豐二年五月癸巳翰林學士

蒲孟加佩魚大觀元年十一月詔太中大夫以上至

中書舍人犀帶垂魚自霍端友始借服得佩魚始於

政和元年十一月十七日兵部侍郎王詔之奏請

馬永卿曰今魚袋乃古魚符必以魚者分左右可以

合符唐用袋盛魚今以魚飾袋

唐紅玉帶 白玉帶

通鑑開元七年九月甲寅徙宋王憲為寧王上從復

道中見衛士棄餘食憲從容諫釋之是日上宴飲極

歡自解紅玉帶并所乘馬賜憲楊元卿傳為金吾

長慶初賜白玉帶李載義傳大和三年平李同捷

文宗賜白玉帶就幽州賜之

唐金鈿帶

突厥傳天寶初賜拔悉密紫文袍金鈿帶西域傳

開元初賜天竺錦袍金革帶魚袋官志中尚令著

客賜寶鈿帶魚袋則授鴻臚

唐賜良笏

憲宗元和五年二月李絳以直諫進中書舍人諫立

是碑故有翌日賜金紫憲宗親擇良笏與之且曰異時

膺顧託南面當如此會要五年二月面論吐突承

帝曰疾風云絳頓首冊府元龜元和二年絳為司

勳郎中充翰林學士因浴堂北廊奏對指切時病及

論中官縱恣方鎮進獻上曰真忠正之臣也改中書

舍人依前翰林學士翌日面賜金紫帝親為絳擇良

笏賜之舊史

唐賜通天御帶 賜玉帶

裴度傳拜淮西宣慰招討處置使舊紀元和十一月

對延英曰主憂臣辱義在必死賊未授首臣無還期

帝壯之為流涕及行帝御通化門臨遣八月中賜通

天神帶舊紀云發神策騎三百為衛平淮西碑度

賜法節斧通天御帶衛卒三百因詔錄云會要元

和七年二月癸卯誕節李吉甫進馬二匹賜通天犀

帶以答之。又宣宗賜中尉馬元贇通天犀帶以遺馬植

列傳白敏中以司空平章事兼鄆寧節度使。大中

三時党項數寇邊宜得大臣撫鎮及行宣宗御安福

樓以餞。書慰諭賜通天帶衛以神策兵開府辟

禮如裴度討淮西時。鄭注節度鳳翔文宗賜通天

犀帶。封款李德裕進太尉。赦草其制解所賜玉帶

贈之。王播自淮南還獻玉帶十有三。張允伸咸

通十年賜玉帶寶器。李德裕有通犀帶賦。

李勣贈屬僚二人佩刀玉帶。李愬遺牛元翼寶劍

玉帶

唐甘棠笏 笏囊 詩笏 又見御詩類

魏暮傳魏證五世孫也文宗開成三年為起岳舍人

帝問卿家書詔頗存乎對曰唯故笏在詔令上送鄭

覃曰在不在笏帝曰此笏乃今甘棠 孫樵文正

公笏銘序曰大中六年詔出文正公笏歸其孫丞相

暮銘曰靈牙薦角比于獻骨合以憤烈在公為笏怒

虎可唾笏不可挫秦華可裂笏不可折柱天不灰指

日不蝕標儀條直起梗開直 李肅公故物亦有象

張九齡傳故事公卿皆措笏于帶而後乘馬九齡使

人持之因設笏囊自九齡始 王起傳加皇太子侍

引 卷之六

文宗題詩太子笏以賜

武德四年七月十六日詔五品已上執象笏六

品已下執竹木笏其凡笏同製也晉宋謂之手

板近代唯尚書執笏公卿但以手板後周保定四年

三朝百官始執笏云云開元八年九月敕諸笏三品

已上前註後直五品以上前註後挫並用象九品已

上上挫下方用竹木卓服志象笏上圓下方六品

以竹木上挫下方禮志皇太子加元服陳冕金

飾象笏傳正觀中點夏斯來朝太宗勞享之

奏願得持笏列傳魏證太宗得證書一紙始出十葉

曰去邪勿疑任賢勿猜曰公卿侍臣可書於笏知而

必諫褚遂良致笏殿階崔澄一云崔滌元宗以謹密

字親書笏端崔琳每歲時宴于家以一榻置笏猶

重積其上崔元亮拜右常侍率諫官叩延英苦諍

置笏在陛段秀實奪源休象笏擊朱泚顧少連

欲擊裴延齡以笏元稹云文皇敕起居郎書居安

思危四字于笏為至戒後唐天成元年出象笏三

十二面賜百官無笏者

唐賜珍器玉帶

李光顏傳還鎮忠武長慶元年十一月辛巳穆宗御通化門臨

送宰相百官班餞賜珍器良馬玉帶時將伐鎮州光祿以十二月

戊寅辛巳赴鎮常袞謝玉帶牙笏表云魚須在手

虹玉橫腰 李賀詩腰圍白玉

唐佩筆 于闐玉帶 大觿

李靖傳五代孫彥芳太和中為鳳司錄錄參軍家故藏高祖太宗賜靖詔書數函上之一曰兵事節度皆付公吾不從中治也一曰有晝夜視公疾大老嫗遣來吾欲熟知公起居狀皆太宗手墨他大略如此文宗愛之不廢手其舊物有佩筆以木為管毀刻金其上別為環以限其間筆尚可用也靖破蕭銑時所賜

于闐玉帶十三觿記云于闐高祖所賜七方六

觿各附環以金固之所以佩者又有火鑑大觿等囊

擲盃等物常佩于帶者記又有素錦袍紫綾襖

存者天子悉留禁中又敕摹詔本還賜彥芳并束帶

衣服權德輿常讀太宗平詔至流淨曰君臣之際乃

爾邪文粹韋端符衛公故物記曰大帝為兒時與

公子其戲賜以皇子服物黃綾袍為龍鸞文素錦襖

絳五采素錦半袖小笏皆緻巧又曰文皇賜書二十

通多言征討事章待勞苦信必威賞而已詩童子

以觿注觿所以解結成人之佩疏如錐以象骨為之

建隆賜玉帶

建隆元年正月賜宰相樞密使諸軍列校龍衣玉帶
帶鞍勒馬有差三年四月賜定難節度李彝興玉帶
乾德元年二月丙戌賜天雄節度符彥卿龍衣玉帶
熙寧六年十月辛巳十一熙河奏捷紫宸殿稱賀
上解所服白玉帶賜宦臣王安石翼日表謝宣和七
年十二月丁巳賜皇太子礮龍排方玉帶建炎三年
四月解所服玉帶命內侍覆去龍飾賜知樞密院張
滂曰此祖宗御府所寶也 李端懿侍東宮解方玉
帶賜之

舊儀著太博史浩 淳熙十三年二月壬子賜玉帶

金魚 宗室著永陽郡王居廣 乾道四年十二月

嗣濮王士鞅 九年正月恩平郡王璠 十月伯圭 淳

熙九年九月十七日仲忽 徽宗時 勳臣著劉光

世 紹興元年張俊 十二年十月己未 楊存中 二十

一年吳璘 三十二年 戚畹著吳蓋 乾道二年四

月謝淵 揚次山 開禧三年十二月甲子

皇祐二年十月三日賜致仕太子太傅杜衍少師任

布龍衣笏頭金帶 王貽永同平章事李昭亮易昭

節皆賜方團金帶 靖康未括金賂虜詔羣臣服

金帶者權以通犀帶易之獨存金魚又執政則正遠
從官則倒透至建炎中與朝廷草創猶用此制呂好
問為右丞特賜金帶高宗面諭曰此帶朕自視上方
工為之蓋特恩也紹興三年兵革粗定始詔依故事
服金帶

太平興國賜進士綠袍鞞笏

興國二年正月十日癸酉賜新及第進士諸科綠袍
鞞笏鞞非鞞以鞞先解三年九月二日賜胡旦已下自
是以為定制

端拱瑞草毬文帶

元祐賜犀帶

端拱中

實錄作淳化

作瑞草毬路文方團勝帶副以金魚

賜中書樞密院文臣景德四年二月壬午賜太子太

師呂蒙正

太宗於紫雲樓下命巧匠造金帶三十條

一自御之一賜曹彬

金帶六種金笏頭帶

賜宰相等

副以御仙花帶

武臣無魚三司使學士中丞金魚金

塗帶九種

文臣換武賜金塗銀帶有寶餅為支雙鹿之別伎術

官銀

金束帶八種犀帶二種

知制誥賜牯犀帶金魚

中書舍人待制諫議服紅鞞犀帶不佩魚乾道九年十二月詔服紅鞞排方黑犀帶佩魚權侍郎同

元祐二年八月戊申以復洮州俘鬼章賀于延和殿

九月辛亥太皇太后遣中使賜宰輔酒果及黃金三

百兩犀帶二以獎其留意邊事彦博公著辭不許乃受熙寧中宗旦宗諤以使相遇郊恩告謝特賜毬文方團金帶佩魚著為例宣徽使張方平郭達王拱辰皆特賜慶曆八年十一月癸亥賜王貽未李用和在密院兼侍中嘗賜之宣和後宰執侍從以花犀帶入朝高宗紹興三年正月壬戌詔自二月朔日繫金帶

景德三年六月癸未詔通犀金玉帶除官品合服及恩賜外餘不得服用祥符四年二月二十日以河中遺逸劉選為評事賜綠袍鞞笏銀帶束帛及五言詩九年正月張士遜崔遵度為壽春王友賜金紫襲

衣犀帶

錢俶進寶帶太祖曰朕有三條帶與此不同俶請宣示上笑曰汴河惠民五丈河一條併大服太宗嘗得通天犀命工為二帶一以賜寇準道君賜李綱玉帶高宗開大元帥府服排方玉帶唐志文宗詔一品二品服玉及通犀三品服花犀班犀

慶曆奏事笏

實錄慶曆三年十月癸丑諫官余靖使契丹辭書所奏事於笏各以一事為記上顧見之指其字令一

續丙辰年 監生趙祖綬刊

盡對凡數十條日幾吳乃罷蓋上之聰納無倦也
知滄州楊偕召還令間日入對凡對必條數十事
皆默記于笏上令橫笏以奏之

熙寧賜玉帶 玉魚

熙寧八年岐王顥嘉王顥言蒙賜方圍玉帶著為朝
儀寶藏于家不敢服用帝命工別琢玉帶賜之顥等
固辭請加佩金魚以別嫌詔以玉魚賜之親王佩玉
魚自此始宣和中判大宗正事仲忍賜玉帶金魚大
宰臣京排方玉帶或誦韓愈詩有玉帶垂金魚之句
乃請佩金魚遂為故事靖康元年十一月乙亥康王
使河北入辭帝解排方玉帶以賜紹興十二年
九月乙巳秦檜為太師賜玉帶使服之而入 玉

帶乘輿排方東宮不佩魚

乾道元年八月二十一日
詔皇太子服通天犀玉帶

不佩魚蓋禮官言
典故無佩魚之文

駙馬都尉賜白玉帶宗室服金

雕玉白玉通犀帶

開寶五年閏二月四日以石堡吉
為左衛將軍駙馬都尉選尚延慶

公主賜襲衣玉帶塗金鞍勒馬自是尚主者賜率如
例後又加賜絨毛暖座嘉祐二年七月五日李韋請
乘服趨
胡詔可

紹興六年四月丙午江西制置大使李綱獻太上皇
帝所賜玉帶玉束帶象簡各一畫二軸詔還以賜綱

紹興賜笏

紹興二年十一月賜韓世忠帶笏狨坐

元年賜劉光世玉帶金帶西蕃鞍

紹興王魚 隆興王佩

紹興三十年二月丙子皇子進封建王先是甲戌詔立為皇子

三月丁未上謂宰輔曰會要云上諭朕決此計已

九年建王所佩王魚乃置權場初買之先是上曰普安封真王俟

正謝日賜王帶三十二年五月甲子立為太子隆興二年十月二十九日

詔皇子鄧慶恭王大禮朝祭服王佩綬以真玉為之

先是紹興三十二年十月三日命文思院製皇太子瑜王雙佩見冕服類

唐獨孤申叔服蒼玉賦 沈達山元玉賦 裴度古

佩帶笏

君子佩玉賦

魏賜劉幹之郭落吳賜陸遜之金鏤李靖于闐之寶

光顏通化之恩 御府分珍煥切磋之文采使輶臨

賜新指畫之威儀看山柱頰敢為晉士之清狂上馬

設囊豈有唐人之風度執以正容書而待命入趨表

著知文竹之非珍傳示子孫庶甘棠之不朽謝賜象

簡鮫鱗錯刀魚須飾笏

玉海卷第八十六

三
次
考
ノ
一
テ

二
四

